

漢

陂

集

漢陂集卷十五

誌銘

表

明故朝議大夫河南布政司右叅議定峰閻君墓誌銘

弘治丙辰君之父竹泉先生爲御史京師予爲庶吉士往拜其門蓋先生嘗爲庶吉士有名予故請問焉而是時見君甫十六七清瑩如玉可愛方從句容曹來鳳授胡傳春秋再踰年戊午報君捷鄉試矣予聞謂竹泉先生有子往賀焉而曰當不止此蓋君又將重慶劉衡仲之門而其仲父蓬州守允中嚴督弗懈故知不若是止

也正德戊辰果舉進士而北方舉春秋者莫或先焉是時竹泉先生以四川右叅議家居予在翰林賀君謂先生乃今真有子矣明年己巳秋君被選爲吏科給事中予是時左遷文選主事實覓其文蓋嘗歎息以爲俊異者云辛未以竹泉先生之喪西歸而是時予復左遷壽州及癸酉還任吏科乙亥遷河南按察僉事兵備信陽而予已家居皆未能弔賀焉然中懷耿耿未嘗不在君也庚辰春君疏乞致仕詔進河南布政司右叅議以歸隴去鄠杜數百里謀會不果嘉靖癸未春以予與其仲父允中契也書來請予銘允中之墓尋復以所述樂府

諸作寄予予亦聞其爲樂日日甚歡乃已丑秋報君病不起矣蓋八月廿四日也予甚惜之距生成化庚子十月十七日壽五十歲卜卒之明年庚寅冬十一月十日葬州西岍山之原以元配師孺人祔其弟郡庠生銓具書幣蓬州公子郡庠生鉉述狀命其姪郡庠生司衡來請予銘君諱欽子明其字居嘗自謂定峰故人皆稱之云君在吏科前後凡七年其始不肯阿附孽寺以此不及于禍嘗抗疏勸教皇帝視朝爲視朝數日諸凡封駁不避權貴人而同列彈劾諸疏多出其手其終有漏言者當道恕之乃稍遷河南云而兵備信陽者五年功最

多蓋嘗推演武侯八陣圖爲九曲新書刊布以訓戰士
募義勇黜老弱修城塹謹烽堠遠近恃以爲安南陽汝
寧護衛官軍橫甚擾民殆不可制君請入操王不可竟
入操而其患遂息汝寧民兄弟爭田各誣其子不法而
其子皆學舉者法當黜君以數語決之而兄弟感悟不
爭而退而其子皆完無事羅山豪張輔者殺其妾之母
死妾母族訟諸縣吏輔又誣以他事陷獄死乃以病告
君知狀執輔抵死信陽貧富兩民爭田里中二惡少素
怨富民乃誘貧者殺之而自殺貧者以滅口誑其母曰
自相殺耳君按之曰一人先死後死者殺之誰也具得

惡少斬之以徇劉學恒者汝寧大盜也陰養死士肆行劫掠無敢言者通賄郡吏伺動止屢捕不獲君乃假以公事過其地執而論之死其黨解散數百人于是遠邇駭歎稱君爲神明相戒不敢犯君君又嘗擒南山之盜有功詔賜白金十兩又嘗奮擊南南山陽諸盜盡斬首二十餘級擒僭號者渠魁八人餘黨百人詔賜白金綵帛擢用不次歲嘗大旱君禱雨即大雨決境遂以有年大夫士詩歌之信陽士固多奇然舉者亦甚少君于域外西北隅建仁學書院擇其奇者居之親爲課業乃兩科而舉者十有三人焉蓋興賢盛矣于是申州之壻

盜息民安風教大行撫按前後凡六論薦超拜可致足
待也乃蒙謏菲之謗以歸用不究其才識者以是爲歎
君蕭灑偉人也略無幾微形于言面養母以志教諸弟
姪回材而施乃今各有成焉暇則誦詩讀書旁及群籍
論歌泉石其樂陶陶書爲述作彙成卷帙蓋雖未臻至
老其所獲亦非細矣君家世隴州人也曾祖諱璿舉鄉
榜五任縣學教諭贈右副都御史祖諱仲實河南右叅
政進階大中大夫竹泉先生諱份在落不羈條然物表
不慕聲利者也母王氏封恭人立四男子君其次子也
兄純早卒君慈嫂大親諸孤因禮清至君配師氏繼室

氏皆贈封爲孺人焉蹇孺人生男子司紀司御而司繼
司禮司射司書則側室出也共六男子師孺人生一女
子適通渭舉人王德光蹇孺人生者三長適郡學生李
瀾次適平涼護衛指揮毛麟其次與側室所出三人者
俱幼未聘方君之在身王恭人夢日射其懷五老造其
室已而誕君故資稟特異焉人以爲吳嶽降神爾也顯
其光倏其隕滅殆亦返其初乎是未可知也銘曰

吳嶽嶽嶽鐘靈爾族爾族克承以遐爾福五世多賢以
引以續藩伯官保維慶斯篤文行彬彬竹泉蓬州維君
似之益弘厥猷厥猷奕奕先民是匹夕耶憲臬乃言底

續誰其構我護人罔極旣歸且樂旣飫而息乃父乃祖
同歸窀穸高岸爲谷打茲銘

康生子寬墓誌銘石

嗚呼康生其何以至是邪康氏武功人其六世祖尙書
公永樂時有大功德于世子孫未能厚食其報至生父
太史公德涵雖曰太魁天下然未久卽以讒廢及生穎
悟絕人人見其如此以爲麟角鳳毛英英然所以振康
氏之業者其在斯人矣嗚呼孰意其遽至是也初太史
公配安人尙氏生子輒天旣爲翰林修撰居京師而正
德戊辰十月十日生乃卽壽太史公喜卽以報予明日

予往賀焉已命名昭胤矣後名曰栗年十六而冠字曰
子寬入爲武功縣學生受毛詩世其業十七而娶吾女
文亡繼娶靈寶楊氏爲方伯叔安之女嘉靖己丑五月
太史公書來言生病傷寒未久當愈予方使人問之亦
以爲愈矣尋得報以是月二十二日卒年僅二十二嗚
呼惜哉予昔聞生之才未見也既入甥館以古定相資
視其所不取論試之操觚立就縱橫數百言大類止齋
予則大奇之以示諸生無不駭歎稱服者比兩入試乃
竟不第以死謂非命哉然于舉子業雖爲之非其甚好
也顧好古歌辭近體諸詩不刻意往往有似李杜者蓋

百餘篇生卒後太史公爲刻諸木俾後世有知生者生
爲不死矣生豪宕好氣人也又負才儕輩皆出其下以
此嶷嶷未肯輕下人然其在予則益甚敬又能樂道人
善至于酗酒遊蕩凡諸膏粱氣習則刻絕弗爲好事者
見其氣岸不可近遂以狂悖加之是不知生者也語曰
觀人先其大者蓋太史公嘗病劇生乃徒跣走泣籲天
乞以身代太史公其繼母張夫人之始至也有女奴出
嫚言無禮不恭生怒箠之幾死罵之曰此代吾母爲者
汝主也奴輩敢若是耶其孝敬如此其後群小譖言無
實生亦惑之或有時怒氣復解悟曰人之爲言胡得焉

亦不深蓄也故其卒張夫人哭之甚痛口出血下至然
僕亦無不哀哭者曰主雖待我嚴然甚恤我吾女生子
不育楊氏亦無子而太史公更無子男遠邇大夫士以
此爲歉夫康氏植德所由來遠太史公光明磊落其德
疾邪雖年踰五十而神完氣壯若四十人焉其終
無子也生以是年十一月二十八日合葬吾女漸西祖
塋之側予哀而爲之銘銘曰

嗟嗟蒼天胡畀爾粹而奪之端爾有好言盈百其篇既
久而傳爾身殂矣其名不刊

康烈婦楊氏墓誌銘

予靖武功康生粟子寬既卒且葬予爲誌其墓矣乃其
繼室楊氏飲藥死殉生其父太史公德涵使人走報予
且曰新婦至此痛徹心骨殆何忍言然不可無誌敢復
以累兄予聞之泫然出涕不能已猶吾女之亡嗟乎世
復有此女乎康生素靳非辟不正之行嘗曰女效汙殘賊
天道未有弗與還者故行年二十二曾無非禮之動乃
今至是天其有意報之也以良妻畀之而烈烈若是乎
亦此女天資之美有得于父兄之教者不可誣也蓋楊
氏世爲弘農人出漢太尉震之後其高祖仕爲都御史
祖三察御史其父布政使叔安配安人許氏許安人者

吏部尚書裴毅公女也生四子四女烈婦其季女也烈婦生正德壬申正月二十二日是時布政公爲僉事浙江聞陞四川副使遂名曰升容云性喜誦詩聞善言其父及諸兄爲講古烈女至聞死節事未嘗不歎慕焉而曰何古今人不相及也年十七而嘉靖戊子歸康生繼吾亡女明年己丑五月生遽疾且殆顧謂烈婦曰即我不幸死如爲一擲容三極我與王氏之女二矣其一汝也能從之乎烈婦泣諾曰吾意正如此不從何爲不遂日生果不起烈婦堅志必以死殉其姑張夫人及諸女童覓其如此乃相與日夜防衛極縝密也而家人盡鼠

藥誣遺室中烈婦潛服數匕賴覺之早投救護免張夫
人知其志不可回言之太史公而使張夫人及諸女因
誣之歸寧父母其或以愛奪也乃悔恨彌切日夜號泣
欲西其父母不得已令其兄宋與其嫂送之來且以有
心計者一姬與俱烈婦至則伏柩哭已乃入內謁其姑
殊有喜色曰吾謂夫已塋乃猶未也張夫人度其意必
有變從言太史公公曰謹防衛耳翌日與諸防衛者相
處極歡有出者必曰勿去吾甚恐衆見其如此以爲無
故矣獨張夫人者不以爲然益嚴環守既數日而十一
月七日巳亥晨起膏沐畢詒言宿飯作瀉索醢湯卧內

飲乃以砒霜三二兩吞下之已乃登廁登廁歸覺事發作
不能支復詰其守者曰適入廁見祟頗不快又索醯湯
今極煖連飲三碗曰稍可矣張夫人入見其色大驚疑
搜其袖中遺砒在焉亟呼家衆相與投救之烈婦徐曰
妾此來欲以死從夫子遊地下耳前所囊物曰金珠者
砒霜也恐姑疑我我故假言之乃今盡服之矣人言醯
下砒霜百藥不可解我恐解而壞吾志故爲此今勿解
無益徒撓人耳惟呼吾嫂來治後事衆不聽呼其兄嫂
至以盃藥予之不納逼之甚則嚙其盃立破復予之藥
皆不納而堅合其齒于是以鐵箸箸且曲矣齒終不

可啓也既而曰已矣吾與飲此藥吾不食砒霜矣凡吾所以爲以死爲樂生爲苦也奈何以苦事逼我其嫂啓篋出衣皆近所手製以送死者無不備且精也于是不得已爲着之着畢而絕顏貌安舒略無倉卒豈鬼神者陰以相之使其毒不內撓正色以斃也嗟乎方生之初逝也情激心裂痛莫可制其死或易至于歸謝其父母又三月餘矣父母劬勞之恩眷屬纏綿之意顧不能一移其初志而不迫不怒從容就死如此古之達人志士未足與之先也然方其西也各以二履爲其父母壽比見其舅姑亦各壽以二履以今視之蓋未訣耳其初未

之知也其用意精密甚矣惟恒如此此豈嘗從事乎
問者士大夫慕尊禮重義者孰謂十八女子而能
至于斯也脂常之士懷二心之臣聞其風可以愧死兒
女子弗足言矣聞奏表閣則有司存向者康生約與同
壟乃今果不負幽壤之下可以無憾爲之銘曰

魏州之山青且崇大河北注波溶溶含精毓粹鍾鉅公
維楊暨許閼閼雄金昆玉季婚媾同包羅正氣收化工
乃生烈媛世所空悅仁甘義養拍胸鴻毛一死何從容
遊魂直與雲漢通九疑寥廓相娥從下視濁世如蟻封
許西高塚嘉祐歲屬神長爲塚幽宮三光洞落名其終

明政河南按察司經歷閻公配孺人王氏墓誌

銘

孺人壽八十五歲嘉靖辛卯九月九日告終其子鐸卜
以是年十一月二十二日于弦蒲祖塋啓經歷公之兆
與合塋屬孺人從孫都庠生鐸述狀介其婿太學生王
客來請予銘予往年在京師嘗拜經歷公是時公爲鴻
臚序班其遷河南也實餞之而公亦敬視予甚愛公從
子參議知州二君俱辱交予益嘗爲予稱孺人之賢也
是宜早銘孺人姓王氏父曰處士王政家世隴州通皇
曆術而好義慷慨經歷公諱仲容父爲濟源教諭教諭

公爲諸生時常與處士往來甚愛也比舉官師病甚而
急爲經歷公妣婚妣及孺人處上推重教諭公又經歷
公頭角非凡者亟諾焉而孺人以是歸經歷公歸旬日
而教諭公不幸卒矣是時經歷公有兄弟四人伯兄夫
婦當室嫂鄭裁制嚴切孺人以姑事之視其顏面爲憂
喜焉若采薪采蔬諸勞苦之事隨所指使敝衣持屨未
嘗敢以色愠姻黨道之至今以爲難能云其後弟仲
歷公方苦于學家務悉委孺人孺人以勤儉御之無不
當意者仲兄葵庵公自是時爲考功京師經歷公立學於
學焉乃累舉不第成化甲辰援例貢入太學弘治癸亥

仕鴻臚進階登仕佐郎正德己巳乃遷河南云而家以
伸縮悉主孺人公得以盡心國事克稱其職者孺人內
助力也在河南四年以子脩病卒官邸公及孺人痛喪
狼裘西歸歸二年申戌經歷公亦卒孺人無未亡公者
十有五年矣而嘉靖癸未病目不視子儲爲刑陰陽學
典術備極孝養罔不順適其意長子脩嘗舉進士爲
郡學生以爲事親者不可不知醫問亦學焉而孺人在
河南時病甚奇醫固不可療脩聞而趨視之適示之即愈人
以爲孝感所致也不獨藥也孺人二子之行如此脩不
不幸無子儲有三男一女長男繼次曰鈞三曰而繼生有

二男一女俱幼孺人有女五人長適蘇源者早卒以其
遺子桂命歸子之今有室矣次適萊蕪縣丞李勲次適
華亭縣學生薛銓次適公來請銘者王客其壻也孺人
賦性溫厚不獨善事舅嫂即諸從子婦亦有恩禮蓋成
化弘治中參議知州二君先後遊校庠而王恭入張宜
人者相與甚處姑事孺人孺人不以婦視也禮之若賓
焉而曰二叔媛豈久居人下者邪其早識如此至其教
子則小過必責無少貸使脩不夭折死寧讓諸伯仲乎
儲今處衣冠華貴植其德操爲郡偉丈夫而諸孫又方
駉駉焉進而上也孺人固可以無恨死初孺人之歸也

夢在林麓一媼語之曰某年某月某日是汝生曰是矣
曰是則八十五歲壽噩哉竟如其言銘曰

壽以神貴以夫君繁祉以子孫嗟嗟孺人我銘以永存
明故李母鮑氏墓誌銘

君子之行肇自閨門世有以豪傑自負而往往困于妻
子蓋亦有取也傳曰其身正不令而行豈虛語哉豈虛
語哉故工部尚書隴郡李公諱善有二室曰鮑氏卒郡
庠王生璠璣述狀予得以觀焉予是益知公之樹立非
在外者之難也乃其在閨門者難弗可及也蓋鮑氏者
京師鮑指揮女也年及笄歸尚書公公配周夫人是時

已生子守經矣而公爲行人出使四方甚勞周夫人曰
不可無我副以是有鮑氏鮑事周夫人甚敬也其于守
經子之若所出焉而周夫人喜嘗曰是我副是不可無
者然周夫人後竟不復有子而鮑亦生子輒夭于是周
夫人勸公再納焉公弗肯鮑賁于夫人曰今惟守經及
一女不可不及時圖之無令後有悔周夫人懇勸公乃
復納劉氏劉氏之入也尤敬事周夫人而與鮑處甚宜
鮑亦帶其後劉生子曰守純守綏守維及一女周夫人
以鮑氏無子乃以守純與之鮑于守純固甚愛也于諸
子女婚嫁皆與盡力無私富貴者而其孫男若女無不

撫抱諸子婦無不孝。夫人見之未嘗不樂也。故公
之仕也無內顧得以專力焉。而陟至蹟要綽有勲譽爲
世偉人。其退而居于家。則自退齡考終。君子曰于
是可知公之化深矣。夫人先卒。守經相繼而逝。嘉靖
乙酉公亦卒。正寢守節于室。鮑氏于堂。孝養備至而
曰。母氏鞠我不政。忘孝邪。守純赴試鄉闈矣。聞鮑病
棄而奔歸視醫藥焉。乃九月二十三日竟亦不起。距生
天順癸未五月十五日。壽六十九歲。云守純以爲慈母
極盡情禮。與其二弟卜以。年十二月十八日合葬尚
書公州城北原。諱千是以二。三述狀命其子珙問銘。

予予往在京師聞鮑氏家世植善則其有德而賢固
公之化亦其所由來遠矣未易以京師人目之鮑自生
有二女長適鳳翔參政張公繼之子珂先卒次適同郡
閻佳閻佳者重慶府知事仲寧公之子也舉正德癸酉
鄉試乃不幸死女誓死不更適人舅姑欲奪之乃欲自
經死遂已今孀居二十年餘矣州司白諸憲使行當旌
其里閭云而鮑氏之賢至其女而益彰况又尚書公也
是宜銘銘曰

嬪虞觀內娥皇文英仲氏赫慎亦顯于經於惟司空厥
德允成于一室是徵合窆于冥于君子曰是式具

妻贈孺人趙氏繼室封孺人張氏合葬墓誌銘

趙孺人予鄆趙先生女也先生諱孟儒仕爲河東王教
授往時游校庠與先大夫中憲府君同受尚書又同硯
席甚愛以此結婚姻云而弘治己酉孺人歸予予是時
已鄉舉侍先大夫宦游大梁矣越明年庚戌子瀛生又
二年壬子予北上卒業太學挈孺人以往比注選吏部
已以先大夫及太恭人思念不已而甲寅冬復歸于大
梁丙辰予會試禮部舉進士被選爲庶吉士入翰林讀
中秘書取孺人子瀛來京師僦屋以居居逾年丁巳夏
孺人病嗽屢藥屢嗽蓋是時有娠醫者云免身當勿藥

愈九月免身得一男然嗽復如故又三逾月矣叅政未
壽楊宗德是時爲行人言一醫秦人奇甚來即應手愈
予見其父病數更醫體貌日羸冀其速愈也聞而惑之
迎之來幸其奇中乃與藥八九粒云吞之下汗穢即愈
吞之果下予大喜以爲奇中矣顧愈益置其飲食不下悔
之復迎他醫無及矣竟不救以卒其九月所得男亦同
日夭殤死蓋是年十二月二十一日也嗚呼痛哉是時
予八歲矣先大夫教授南陽諸弟少無力不能歸其喪
予乃援例給假歸送幼子因以明年戊午夏五月初三
日塋孺人六老庵祖塋其年秋遂聘問張孺人云而庚

申夏六月乃始來歸蓋婦人者七品散官咸寧張公之
女也公諱臻服賁揚州生婦人揚州旅舍而公第侍
公爲御史京師甚愛予以結婚而歸之愆期者是時
予授檢討有職弗克親迎云爾歸之明年辛酉予考績
三載孺人得受勅封云而元年戊午冬趙孺人巴蒙恩
受贈勅矣又四年甲子予援例歸省挈孺人而西而乙
丑冬以募修敬皇帝錄復北上逾四年而正德己巳
夏實錄成予左轉吏部主事庚午秋閣瑾伏其辜予坐
與鄉里爲吏部郎中有權出爲壽州同知復同入壽州
其明年辛未冬諫官奏除璫當爲天變三得致仕歸其

鄉歸之明年癸酉先大夫棄養孺人同予哭焉又十三年嘉靖丙戌夏太恭人不卒棄養孺人又同予哭焉而其年秋九月康氏女產難卒于鄠孺人痛甚哭幾死竟由此病而庚寅三月病足痿不履醫藥遠邇無所不致至至其年冬少差矣乃十一月廿二日夜僕隸不戒于火既焚救者謹譟甚忘其孺人驚也驚即口眼閉喉中忽忽作聲若鼾睡者醫視之六恐百方不能救于廿七日乃遂不起嗚呼痛哉是時瀛已總舉仕爲羅江知縣生有一男一女男曰良木女許嫁西安後衛應襲指揮白椿而孺人生男渭爲秦王引禮舍人女歸康氏卒者

增武功學生粟乃亦相繼卒矣渭亦生男山木及一幼
女及瀛友渭之善此孺人皆已知之而瀛以辛卯春遷
順天府通判此則未之知可恨也然自瀛婚娶及鄉舉
諸事趙孺人皆未之知也豈不甚可恨乎初趙孺人之
歸也堂上饌具必親焉衣服縫紉澣濯必親焉往來京
師道途之苦辛服惡茹淡暮夜燈火之需勸督之勤未
嘗一日忘予也幸予舉進士且有復矣而一簪未及着
身以死嗟乎天邪命邪孺人病且革顧謂予曰其善視
吾兒及張孺人歸瀛甫十有一歲然視之甚善不予戚
也其親饌具堂上者猶夫趙也其縫紉澣濯諸苦辛之

事則爲焉蓋猶處其儉難張處容豐易趙有基孝舅
而張其遺子則爲難也至于佐之以仁扶之以義接
之以禮篤之以恩俾予得以無歉于孝友焉則二孺人
同也嗟乎今皆已矣痛何以言痛何以言趙孺人生成
化丁亥六月十五日至其卒僅三十一歲張孺人次十
有三年而生爲成化己亥九月初八日至是五十二歲
卒比趙孺人則爲得壽者云瀛自羅江奔歸率渭卜以
張孺人卒之又明年壬辰十一月十六日啓趙孺人之
柩與合葬而趙孺人塋時固未有銘瀛請予曰二母恩
我均必大人銘我母予于是泣而合爲之銘銘曰

嗟二孺人合窆于墓左右翼而虛其中俟予以考終其爾同

明故承直郎刑部福建清吏司主事東君墓表
自予先大夫與考功東先生同舉于鄉其後兩世三人
又輒同舉又以姻婭之歡予故與主事東君通家相愛
稱兄弟焉君舉進士及爲知縣考績又超拜爲主事予
皆在京師賀焉其卒也哀哭之甚以當是時君之仲兄希
曾請予表君之墓予固辭以爲有君上之役乃至于今君
之墓未拱矣始能爲之辭東氏其先輩昌人也有商州
守良惠元季兵亂自商徙華遂居華州人良惠生驥驥

生商河縣丞公諱昇昇生四川按察副使公諱思忠副
使公配夫人薛氏生五男子君其季子也君且暮會副
使公有四川之役自都城出居于野故名曰野及冠字
希孟云君三歲喪父五歲讀書學禮十五從師而受尚
書二十舉于鄉明年舉進士又明年爲陳留知縣陳留
去藩服近民多健訟訟輒赴臺省不予縣吏縣吏顧無
可奈何君至爲聽其大者剝者而于細事以義遣之無
留滯焉于是皆仰戴君呼君爲神明而于大且剝者不
復赴臺省惟赴朔于君其一切細故輒相解釋無敢以
煩君者河濫于縣北害于耕稼君乃謀諸治河者築堤

拒河河之舊污于是爲桑麻之地百里焉流亡之民皆
復來歸君貸之各有業焉蓋戶口增以千計邏卒通獻
者有讎讎夜入刺獻死匿去弗可得衆以爲弗得也君
竟得之縣故多盜于是盡散去爲農無復敢爲盜者陳
州俠劉某者都指揮之子也嘗懷千金爲俠俠嘗殺與
吏善賂自脫事故久不決事下君法當往閱死者君與
期曰某日當往乃謬謂有他不往矣蓋是時指揮已伏
數百人劫俠聞不往即散君竟往得窮其事殺俠于是
河朔數百里之間又皆仰戴君呼君爲神明皆欲赴愬
于君向者學舍諸生惟知有科舉書不復知有古文遺

書諸史子集也于是賤得之俾誦習焉而又設小學擇
師傅教童子親爲校閱勤懇甚備也開封轄縣三十餘
先是言破敵者必于陳留至是沃野綿亘耒耜相望風
雨之會又適其時年穀盛登盜賊稀少歌誦之聲徧于
鄉邑東西行過是縣者罔不改視易聽而都御史御史
按察使交章論薦閻勞之使結轡于道正德丁卯秋吏
部以御史起君君年不當爲御史乃爲刑部福建清吏
司主事云其年冬視獄獄中夜三四起視獄未久疾病
猶視獄獄中既代出旬日乃遂不起十一月十四日也
矩生成化壬寅十月七日僅二十有六歲配孀人王氏

生男子曰顧壽君卒之明日乃生一女子云伯兄希旦
自京師歸其喪以卒之二年己巳月日塋某地先塋之
次君少子性又早慧美貌如畫而又先諸兄以興故薛
夫人所以憐愛君者甚至君亦能周旋左右奉母氏之
歡至于諸兄亦善相愛也是皆可老壽不夭者也然竟
夭以死豈非命哉豈非命哉予爲之表曰主事東君墓
于斯君子之藏過者其式焉

明故七品散官張公墓表

嗚呼此吾外舅張公之墓也公諱臻字仲毅西安咸寧
縣人也父諱約母趙氏公生正統辛亥七月初三日而

弘治乙丑某月某日七十五而卒配楊氏無子乃有
嗣室四人焉王氏生一女子適西安賢關徐氏生一男
子三女子男曰璵長女爲九思繼室封孺人者也次適
同邑馬負圖又次適楊州衛指揮徐良臣得封爲淋人
焉王氏生三男子長曰堯次曰珊瑚後于公第刑部左
侍郎東川先生者爲泰王引禮舍人又次曰璵女子一
人適同邑周子生邢謙亨盧氏生男子曰珵珵先卒
支子二人一適州某人一適同邑李世昌孫男子六
人女子一人先是公母趙夫人生子泰及公而卒而李
夫人繼之李夫人生子鳳及東川先生而又卒于是

之者爲王夫人而生子曰壽公自上世皆隱于賈賈
至公益昌貴兄弟泰西走河東東至于遼陽北
至于甘涼之川乃淮海而南率以塩賈成化中乃挈其
家卜揚州居焉顧東川先生是時已舉進士爲今後又
爲御史赫然京師而公與諸兄弟者益以賈顯于是明
中人賈揚州者皆推戴公益數百人皆公綱紀之婚娶
及諸不平皆往質公客中大作會公未至不敢舉爲此
不獨以財雄也蓋公之爲人也慷慨自許急人之難
所宜施金不吝是助天子伐匈奴授七
品散官于是破數千金大作宅宇日與朋舊置酒高會

嘗是時咸寧張堯讓亦質揚州以財勝而居其衆人稱
爲東張東張儉士之好義者不歸焉而獨尊尚公稱爲
西張老子云公事兩繼母如母其孝皆得其父之歡處
諸弟如兄之同胞也而于東川先生尤愛敬之蓋自爲
諸生舉進士官至按察副使皆取費于公而東川故得
稱爲廉吏云兄泰及他諸弟相繼凋謝其遺孤子女皆
公與婚嫁于此以見公之內行修備不獨其外也已公
居揚州三十年既老日夜思歸然竟卒揚州東川先生
歸其喪而以卒之明年正德丙寅某月某日塋陝城東
蘭子孟村祖塋墓十有七年而嘉靖元年壬午諸子買石

請予書公世行本末刻之而樹諸石以詔來者俾有以
考云

明故錦衣衛經歷司旗校七品散官李正之墓
表

南京工部尚書贈李公在南京時欲致其政而歸其
子守經聞之而曰大人歸田無樂樂在山水之間乃于
居後隙地構亭曰堪樂之亭有水有竹有假山花卉又
于城西勝處買地鑿池構亭其中曰一鏡之亭亭中可
備歌咏者十事又于沂河之西買田作墅因山爲形環
之巖洞森亭中曰卧雲之亭亭成而公歸以游以環

然其樂蓋十有五年于茲人皆曰公爲名臣乃其子
又克孝養嘗曰吾年今世所罕能薄俗之僅見也以二
日公歿於家年七十有二公經不幸死予爲泣下守
蓋嘗梓予嘗以旌慨有大志既乃棄去後以
功蔭序錦衣衛冠帶總旗尋復輪粟邊庭助天
奴授七品散官正之既棄進士業不學去學幹蠱通
朱術積之二十年蓋田以畝計禾黍之田四百紀經之
田二百屋以間計爲營爲縣若干居商賈積貨財者若
干城內外游樂者若干牛羊以角計若干馬若干蹄果
最盛者栗胡桃水噎二園蔬池魚蟹鴈之畜充片倉穀

積以石計若干是富甲一郡李氏自正之魯祖昇為
按察副使祖濤由國子監仕為應寧至于尚書公世守
廉白正之乃能自致至此能守廉尚書公及母周大
令正以至歲時伏臘祀先具儀物兼備築垣先塋
墓以不入居嘗歎息曰丈夫義氣耳多財何為于是親
其親而賢者貧輒施之不吝陳朝義者郡人也累世行
義外貧躬來歸會有例輸金發身以告正之正之為
之金發身今得為縣丞云初周夫人無子祈得正之
乃更無子其後廢出者三子正之事庶母乃又甚至與
其三子者煦煦愉愉同胞邪如也尚書公壽八十二歲

不先人言正之嘗得吳嶽道士千金祕方爲公服食至
此此或有之然公前歲亦嘗違病甚危正之籲天以身
代公之死公果起無事未數月也周夫人又病正之又
籲天代死甚苦然夫人竟亦不起于是正之日夜號哭
人或不忍聞先是侍疾尚書公已不勝備乃今又若此
又日夜營葬事罄竭心力遂由此病逾年醫藥不回嘉
癸未九月二十三日乃遂不起距生成化戊戌八月
二十日享年四十六歲云正之配唐氏無子乃有側室
三人曹氏生子曰瑋女曰淋媛許聘州人錦衣閭百戶
之子鑿張氏生子曰洪孫氏生子曰瑭曰琨曰琛及二

女俱幼尚書公後授公事而予爲舉子俱在大梁
造正之受易時也公嘗正之歎息謂予曰某行年五
十獨此子奈何是特正之十七八貌甚儒進止甚雅顏
眇一目後竟由此不肯舉進士然未嘗一日廢書不觀
詩格清麗學晚唐元人益以此敬慕樂與之游蓋不
徒以貴予于是思公往年謂予歎息者今乃至是而猶
奉其祖命請予表其父墓予據鳳翔進士王仁瑞所撰
世行爲具序述焉而正之以明年甲申十二月初七日
望州城北原新塋之次嗚呼爲其子孫者倡續令德尚
有考于斯

明故迪功郎山西孟縣縣丞程公合葬墓表

山西孟縣縣丞程公夫婦之墓在鳳翔郡城外東阜祖塋其子進士緒下公卒之三年嘉靖丁亥正月十七日啓公配常孺人之藏與公是而公之卒也在嘉靖乙酉十月十九日先是弘治癸亥六月初五日常孺人卒孺人生正統丁卯九月二十二日得壽五十七歲其正統癸亥正月初一日實生公至壽八十三歲云公夫婦有男子三人緒下緒下進士爲襄陵知縣不久當爲官孫男子五人多舉進士者女子一人孫女子七人曾孫女子一人歸者字者皆名家云而公夫婦懿德

世行載諸誌銘可信世不朽亦可瞑目不恨矣進士緒
曰誌銘揜諸幽東皇之陽不有表焉樵牧弗戒罪則曷
歸是用告于九思九思爲之表曰縣丞程公者諱重字
達之寶鷄人也家鳳翔東關其先蓋醴泉人是爲關西
世家五世祖以下代有隱德公曾宣母曰邵夫人外內
令德播于鄉評是爲善門所由亦遠公生七歲而孤乃
能仰奉母訓攻苦茹淡孜孜務學于經明業修升于辟廱
善友天下有文學之譽家道中衰乃能變約以豐獲彼
麋祿甘旨奉母母沒慎終慕父不忘有君子之孝出佐
古子而興學作土賦均訟理植善鋤惡威惠並流士民歌

誦予不負丞有循吏之績未幾歸田甘肥遯之志固是
非之路重郡守之禮鄉飲之席有不願乎外之守安
卑蒲輪三千襄陵坐以水竹之堂饌以汾魚之鱸觴以
梨花之春酒以鶴南飛之曲舞以萊子之綵有迎養之
樂踰八望九有耄耋之壽夫公之爲人可謂挺乎自立
光前振後享五福者矣瑞人之爲處子也幽閑性其
德父母鍾其愛其德婦也姑悅其孝夫子賴其成妣氏
感其美妯娌化其德姻鄰沐其仁其爲母也元子承其
家子承其舊子承其學其比德于公也蓋律呂之
和琴瑟而南宮者也夫孔子聖人也見是者過之必

過以其貴也魏文侯侯也式段干木之廬以其德而賢也公孺人之賢也山陽中丞郡人也蜀行人王子觀鳳之使也爲求狀曰賢而郡人不知焉則吾未之信也縉墨識宏遠者也縉墨之位可立而待沚厥本源天子是予追贈之典有教有誥資及泉壤光于蒿萊蓋指曰事也東西行過是者或不知敬焉是無耳目人也嗚呼同式斯哉

明勅封文林郎南京江西道監察御史王公墓表

公于獻舉進士拜南京江西道監察御史王公墓表

予追崇恭穆獻皇帝禮成詔兩京文臣得贈封其父母
于是勅封公文林郎南京江西道監察御史公配岳氏
劉孺人云嘉靖八年十月初一日公病卒正寢其明年
己丑十月某日卜塋九峻山之陽新塋獻述公世行請
予表其墓公諱才字有能咸陽人也咸陽城北原曰畢
郢之原周文武諸王陵在焉公先世本渭南倉頭鎮人
洪武初徙守周王國陵寢鄉者始徙祖也家九峻下乃
遂爲咸陽人曾祖十祖三父整母沈氏生子五公其第
四子也公生十三年不幸沈夫人卒是時公尚有少妹
少弟也少弟以父命後于叔父泰未久諸兄皆壯析居

公獨與其父及少妹處焉家貧甚凡所以日用養生之具皆取足公公極力營致不缺比長受命其父自具禮娶山孺人岳孺人固其賢公與朝暮努力作業家用漸裕于是治裝歸妹于李其後父老病卒公具棺殮器物享祀卜地啓沈夫人合葬諸兄若無聞也公不求亦不自以爲德云公嘗貸富者金取木隴西諸山乃數年多息戶之長媳之坐重役困公公毅然當之曰民有力不給供上情法何如旣數年果困公懼乃償富者金顧息不入公謂富者曰能無校乎曰不校也知有媳之者故至此雖然如蒼天何如蒼天何子其有後矣子姑待之

公于是買田數畝朝夕以餬口不三十年御少君起焚然果如富者說云公性坦直無他腸與人當言即言不咕囁耳語人有過輒面數之久知其爲人亦無怨者里有社田爲有力者所奪人莫敢言公從容言曰奪人之田利子孫尚謂不可况可奪之神乎其人感悟歸社田里有毆人死者死者父止一子死其痛將訟之官過公公曰使毆子死者死而毆死于可復生乎不可乎訟凶事徃徃破家子死復破家而使毆子死者死亦有益于汝乎且毆子死者素無惡聲想亦置今不若無訟則毆子死者不死家不破而不死者愛戴汝必厚報汝是

汝雖不幸亡子猶得保其家終身故訟不訟利害相去
遠甚汝其度之無懷其八泣謝即止不訟其毆子死者
父聞欲往謝公公力拒不可諸凡鄰里族鄰婚喪不舉
者公輒助之固薄然天性樂施非以要譽爲也公厚讓
不爭者人亦無敢或欺未嘗入官府作訟事官府敬重
公鄉飲酒禮邀公爲上賓表其德云御史君既貴公卿
大夫東西行過者罔不禮乎其廬陝之撫按藩臬諸公
西安郡守歲時候問起居南都鄉大夫交御史君者仰
慕公畫圖歌詩壽公咸陽縣令而下每謁公如謁御史
君其敬鄉里以爲榮而公躬被命服謙謙如子未嘗時

頰面皓髮長身玉立望之若黃綺安期之流咸以爲百
歲不止乃一旦卒距生景泰庚午二月初五日享年七
十九歲男子四人長森次卽御史君器識凝重秩位未
可量次安次猷先卒女子一人適董震孫男子六人道
寬道純森子道正道直皆學舉進士御史君子也道平
安子道誠猷子孫女子六人長適史繼宗次許聘者陳
志朝劉朝宣及縣學生侯維垣餘與曾孫男子二人俱
尙幼也御史君曰始吾祖自渭南來家九峻下乃今茲
吾父復卜吉九峻可謂不背其本予曰塋域大乎諸贈
之碑享祀之堂儀列之器石神道之碑將次第鑿也姑

述此以表于墓告諸行道者

漢陂集卷十六

傳

狀

張附羽傳

張附羽者字子霄蓋屋人也年三十而舉于鄉又二年而病死京師旌舍中初附羽與弟附翹同學而相繼以舉然附羽長而舉獨後也於是人曰附羽兄也舉進士擢名宜先附羽也乃不幸死附羽有心計而口不喜言獨時時與附翹可否學問見他人恒不與言而有所謀慮省度口吻中雖附翹亦不與言而人亦往往踈附羽附羽病附翹勸之藥不肯而問之則不言竟不藥以死

至死不言身後

太史氏曰予家去縣屋近附鄉蓋異士也其世次行業
康先生已有志不論論其者云人說附羽舉進士樹
名而考其爲至不飲藥死不言身後豈非亢厲矯俗之
士哉

孝女傳

夫孝老至行通于神明觀六經載籍孔孟所述茲曷以
加諸太史司馬公有言閭巷之人欲砥行立名者非附
青雲之士惡能施于後世今世縉紳先生稱述或已甚
故曰聲聞過情君子耻之至于閭閻窶晚至柔弱者也

顧其行烈士弗如豈非大性至孝哉嘗讀古列女睹其
論傳行事未嘗不歎息焉而緹紫曹娥諸女以孝稱
太史公曰予至壽州有安豐鄉蓋古屬縣唐董生召南
其故里舍云其地多陂池好田物產饒故老長者稱說
董生猶能傳其行事董生後八九百年安豐又有孝女
予聞其行可異焉其傳曰孝女武氏壽州安豐縣人也
父曰武翁有三女此其少女也武翁憐愛少女不欲遠
去我入贅同郡俞綱號贅壻蓋二年所武翁一日病泄
痢疾甚久藥百方固不愈更劇貼于危旦暮且死醫
工自度不可適懼吐實言其家人曰吾技窮無能為我

其云矣言未竟即下階走呼之不顧拜跪遶道留竟不顧走家人相對哭泣顧無可奈何適與治棺斂送死之具而翁亦自分必死時孝女蓋二十三歲矣暮夜仰天告曰願身救吾父父不死吾死即無所恨即引刀割左肱方寸而歸自爲瘞明日進之其父曰醫言飲此藥愈不聽強飲之飲之果愈孝女又不欲露恐傷老父之意而曲爲蓋藏其母弗見也其夫見之始知而爲之泣曰何乃自苦如此孝女曰不然當是時不痛不血適弗知其何自苦爲也于曰武翁聞之大呼曰痛哉吾兒吾何忍食其肉後孝女生三子二女蓋五十六歲病死夫家

夫子今六十三歲無恙西歸復取長子澤授朱傳毛詩
列于郡校才高而聞博蓋一方豪傑之士云夫天道福
善禍淫惠迪吉從逆凶惟影嚮善孝女不百歲死所謂天
道是邪非邪于公高大門閭容駟馬高蓋車曰吾子孫
必有興者果然然天道弗僭矣不于其身于其子孫申
包胥曰天定勝人孝女不百歲所謂天者其定否邪夫
天定澤其興乎

漢陽太守傳

夫賢者于世固以利益百姓佐天子起太平也其功行
至不細矣然往往莫之盡烈夫嶢嶢志士不屈多擯斥

死予於是蓋有激焉述漢陽太守君傳

漢陽太守君者姓尚氏諱衡字一中同州人也身長六尺四歲能誦古詩十七授尚書爲州學弟子二十而孤善事母又善兄弟嘗讀書華山雲臺觀教授學者三十人舉於鄉後舉進士拜工部給事中嘗出閱山海關諸路邊餉邊人誦焉清寧宮災乃上封事以爲天子不能慎位如初故至此凡十二條敬皇帝下詔求直言乃復上四事尋又奉詔陳四事焉其後天子作延壽塔祝釐兩宮又上封事其辭曰臣聞大德必壽建塔延壽無是理也陛下初即位誅戮妖僧罷法王去佛子此盛德也

臣愚以爲事既惡於昔必不好於今必有左右之人希
恩信恠妄傳神異誑惑聖聽故至此異也漢明梁武貽
笑後世陛下法堯舜邁湯武而欲踵二君累大德臣愚
爲陛下不取也夫多言取禍自默保身臣豈不知也然
可使臣無此身不可使陛下有此過惟陛下察焉天子
覽奏改容爲罷其後戶部尚書侶鍾其子受賄事覺乃
劾罷鍾遷吏科右給事中未幾遷戶科左給事申出閔
大同諸路邊餉是時虜大舉入寇上命保國公朱瑄都
御史史琳率衆數千人擊之師久無功于是劾奏焉皇
上新即位又上封事二十條多直言極諫蓋往時已忤

當路者乃又若此遂遷浙江左叅議浙俗健訟日受數
百牒剖決如流連歲大饑賑貸活數千人嘗入賀萬壽
聖節會劉瑾用事當入見瑾瑾惡人高幘或勸其勿高
幘者不聽其自立類如此遷浙江左叅政復改山西分
隘河東道居平陽平陽多藩邸其下多馮藉以擥取民
下車禁止盜王常聚衆西山乃計擒殺常散其餘黨後
乃移守冀寧道道在省城財殫事倍又遊民蕩于傳法
敗風固將有以爲也會流賊入寇河東薄太原甚急當
是時城中官軍先已守備澤潞諸處居民大驚恐爭走
避匿君募壯士與諸寮城守人當一門君獨在南門南

門者盜衝也又移檄指揮賈處取伏離賊城下賊由是
懼走入冀南君跨馬欲追擊之然無兵不果會官軍歸
自澤路君受臺檄即往追賊賊聞乃自壘關遁去巡按
御史素不善君劾君玩盜宜宣子理君亦自太原奏書
訟冤然竟左遷漢陽至漢陽旬日疽發背卒漢陽君四
子長子班爵最知名

太史氏曰予罷壽州入關直隸陽太守君前數奏請白
然氣嶽嶽罵御史不休謂不心賢且起然竟已爾澤則有
其子

懷遠將軍傳

懷遠將軍者姓陳氏諱懿字德新而仕爲右護衛指揮
使其先蓋昌平順義縣人也元末兵亂而其祖勝挈家
而南依舒城孔氏孔氏者湯元帥部下士也未久孔絕
而勝即代之勝蓋身長六尺多智略善騎射善辯有口
居嘗歎息曰嗟乎丈夫策功萬里獨奈何居人下軍中
皆目天之爲狂人會高皇帝兵臨河北而勝仗劍歸附
從經數百戰有功即軍中拜爲千戶而勝身攻東阿破
之攻東平汶上又破之後戰齊眉山乃不幸與其子賢
力不屈死帝聞而歎曰可惜失吾壯士于是贈勝指揮
僉事云而其子斌襲爲指揮同知隸薊州衛其後改隸

西安前衛焉而西安陳氏蓋自茲始姻家邁人也嘗曰
守官不能敬是不忠也不能度越前人非孝也于是自
致爲都指揮而將軍其長子也乃襲爲西安前衛指揮
同知云將軍蓋世世受射命中自以爲李廣可敵也
而射獵南山下逐獸獸輒應弦倒從旁觀者奇甚而將
軍笑曰是未足以盡我也當道者聞之推守靈州北邊
諸將善射者注緡錢與較乃將軍日日得緡錢也于是
諸將咸懼許謝弗敢較也將軍得緡錢多乃歎曰不聞
古趙將李牧之爲將乎所得賞賜租入盡以予麾下
士而我獨不然哉乃日出緡錢令軍士自相較射也士

利其緡錢也乃人人曰學射久之而無不善射者匈奴
聞之終將軍之守益數年不敢近靈州遂及代歸而通
姻藩邸例當調調真定衛且行而秦憲王曰如陳將
者奈何使去可使護衛我乃奏書言之天子天子許之
未幾而遷爲指揮使云其後憲王薨簡王立簡王者好
德樂善明習禮樂達于古今之宜使人不求備蓋嘗曰
陳將軍孤之干城腹心也先王之所屬也當是時也御
史河南李伯起來按關中李伯起者宣御史也藩臬諸
郡縣無有不畏也諸衛長貳者未有不督過也唯獨喜
陳將軍絕愛之使之決疑獄疑獄明捕山寇山寇平百

姓安又聞其善射曰陳將軍將材也欲薦陳將軍簡王
曰不然夫陳將軍者孤之干城腹心也而先王之所屬
也奈何使去我于是乃止不薦弘治中將軍年六十餘
請老簡王不許固請乃許之而下令曰陳將軍有勞于
我藩多麻革所恪慎朝夕終始惟一心予甚嘉之乃以
老乞休予不忍違其志其令有司歲時存問給廩役庶
稱予所以待舊老之意又二十年而正德十六年蓋壽
八十卒配淑人賁氏先卒有女行事在墓志語中而生
子光祖襲爲指揮使而通習經術與學士大夫游士益
多譽之者光祖子曰大策大籌大策少年爲武舉首亦

治文學省其父游于士人也將軍又有側室子三人曰清源濟而三人者生子有九人焉皆持行爲陳將軍子孫

太史氏曰語云夫夫龍變方勝之困而歎息軍中指笑之彼燕雀安知鴻鵠之志哉然傳之三世而陳將軍四子十孫以老壽終豈非其澤未斬天其有意報之也身死而慶流苗裔與國咸休勝其烈大夫哉勝其烈大夫哉

楊烈婦傳

楊烈婦者戶部郎中武功康德充女也適靈寶楊宋宋

爲縣學生有名嘉靖己丑宋妹適武功學生康栗者殉夫死而宋奔走哀慟嘔血止而復嘔蓋若是者三年而辛卯十月十五日竟嘔血死當宋病亟時烈婦許以死殉舅姑知之舅者布政使叔安姑許安人則吏部尚書襄毅公文也至是共勸慰焉至于再至于三大意以爲可無死也于以事舅姑終其身立節顯名未爲不美也何硜硜必死而後爲有名乎況又有少女也汝無意邪烈婦荅曰我不知其名知有善夫而已我死且不恤乃更說少女乎反復百餘言終勸不許舅姑見其如此相向涕泣顧無可奈何但令侍者密與防護而已侍者以

爲無慮也。即有變，亦何從得藥物邪？舅姑亦信之，而不知自宋之病時，已買有砒霜矣。乃是月二十日，乘間潛以冰吞下，而卧侍者不知也。久之，見其目暴，面發赤，呼之不應。始覺有變矣。急走報許安人，衆至以藥投解之，竟不救，以死。其年二十三也。嗚呼！烈哉！其預爲衣物送死之具，割恩就義，意態之從容，不悸不亂，而正容以逝。若有鬼神相之者，無弗類于康烈婦也。豈不異哉！豈不異哉！夫康楊世婚，乃二女俱殉夫死，事固有相觀而成者。然亦其稟賦之粹均耳。不然，蹠惠同產而行殊，何也？况兩家女子乎？夫兩家者，今名流萬世矣。

太史氏曰嗟乎人孰無死等死耳有輕于鴻毛有重于泰山夫范質宋之元凶也太宗賢之乃曰惜也但欠世宗一死耳吁可愧哉洎烈婦何如故烈婦者扶輿之精英曠世而間有孝章

陳本初行狀

本初姓陳諱瀾字本初京師宛平人也其先山陽人泗州同知文忠生至善至善生銘銘生貞國朝永樂初貞以閭右實京師遂爲宛平人貞生二子其仲子曰顯顯生四子本初其長子也母曰常氏本初年十六七始周易爲學官弟子學官弟子未有如本初者然無能識本

初少師洛陽劉公則奇之府丞舉公嘉會亦有以奇之也弘治乙卯舉順天府鄉試第二人丙辰會試禮部第一人天子策問賜進士及第第三人官翰林院編修其年年二十四也又二年以父喪歸又三年復其官供奉經筵已而考其功補贈其父翰林院編脩母封太孺人壬戌同考禮部會試舉人其年冬預修大明會典成晉修撰後二年甲子太孺人終之以喪免喪舉會天子新即位爲正德丙寅詔復其官修孝宗皇帝實錄其明年丁卯八月五日病卒年三十五配蔡氏一子二女子曰田田生六歲矣然能哭其父也自本初及第至于今蓋

十又二年矣居官者半中又病其半則喪居然以後身
有適也熟意其死死之日甚貧蓋祿之所入者盡以養
其家餘二十口又葬其親又爲其二弟取婦又歸其二
妹故間嘗有稱貸焉然其處人倫者與其所守可知也
且其貌豐粹有威儀又慎其口皆可不死先是星者云
死相者云死果死死矣恨其太早耳蓋其科舉之文式
之者衆後乃脫去爲古文又能古文爲詩又能詩當其
爲之也沉思久而後下筆一字不苟至于一奕一語皆
有思慮使不死豈能若是已也方其病也予往問焉後
又往問焉曰愈矣又數日也以爲愈且起乃一旦死矣

所與厚者會哭盡哀聞者歎息其第其等卜以是年九月二十一日葬于都城北溝泥河之原以九思爲行狀請執事爲墓志銘惟采擇焉

正議大夫南京刑部左侍郎張公行狀

公諱撫字世安寶鷄人也祖榮父聰聰取趙民生四子公其仲子也祖至伯兄輔爲醫學訓科三世公幼慧過兩兄甚去讀書邑里塾中正統初有侍郎魏公使蜀道寶鷄里塾師率諸生出迎謁侍郎郎試諸生文得公而大駭乃命爲邑學生曰張童子奇可大用公初治尚書一不舉而景泰庚午春改治禮記其年秋乃舉後又

張治周易舉成化壬辰進士進士仕治蜀王贊民以
損乙未授刑部湖廣司主事而都督同知王義廣空侯
劉銓有罪衆莫敢決決之進員外郎山西司山西鎮守
少監石岩都督同知劉寧有罪衆又莫敢決決之進郎
中山東司當是時浙江按察副使張憲罪惡彰聞矣使
者畏其口莫敢決又往決之進四川按察副使弘治戊
申蜀大饑出俸金易米三百斛賑之進湖廣按察使湖
廣盜劇病民公下令城中曰獲盜者予俸金于是有
盜者予俸金盜由是息進雲南右布政使居雲南三年
都御史御史交薦于朝進貴州左布政使其行也百姓

留之涕泣居貴州二年都御史御史又交薦之進南京
太僕寺卿無何進右副都御史督儲南京南京儲缺三
年居逾年宣宗命請關其宗皇帝多俞行之乞致
仕不可尋進南京副都御史其明年復乞致仕始得
命命乘舟歸其鄉歸其鄉三年正德丁卯正月二十四
日卒距生宣德丁未壽八十一歲訃聞今上皇帝賜
祭命有司厚恤之宜瘞公于吏事精多有善政不盡書
其大者至于其言天下皆知有張公也公方應
縣令饒活主諸生受公獨卻不復公嫌夫饒公馬又
不受故曰貧視其所不取公博極群經靜中往往自

不以語人貌又朴見人唯唯如無能故人鮮克知之然
咸知張公長者初起讀書人或未之奇至是始服魏侍
郎知人矣公侍郎滿三年贈其祖與父侍郎祖母徐氏
及配趙皆淑人配趙淑人生一女適爲杜壘婦趙淑人
無子子甘弟子重重蔭禔國子監生而以公卒之某年
某月某日卜葬乞國老先生銘墓不朽俾九思狀公行
狀候采擇之焉

先公行實

王氏鄆縣人也其先蓋河南人而由河南來仕高陵乃
遂占籍爲高陵王氏今有墓在高陵者十二人稱王大

使家墓

其誼諱不可盡知可知者諱元享或即始來

者與其

孫不可知元享以後有同出者三人諱繼祖

繼容繼

或元享所出與否亦不可知元末關中兵起

經容繼

元白秦嶺東行出關莫知所終繼祖載妻子渡

渭而西

匿鄠縣終南山其後海內平定徙城中北街

道東爲

鄠縣王氏繼祖長子諱克誠克誠長子諱敬仁

敬仁長

子諱琰少時人異其相奪起讀書舉進士後乃

歲貢

字仕爲山西大寧山東長清知縣廉直顯名國

將大有

遇狹矣乃不幸卒長子諱鉉寬大博厚長者而

又讀書

吾知事實決立望中人人服焉蓋卒年八

十一往時孝宗新即位詔民高年有行誼者予冠服故特與焉夫人李氏生三子長子諱儒字文宗是爲先公者也先公隆準奇頤雙目炯然背厚若負進退容止非禮不行蓋年十五而游學于山東師尊布衣蘇先生授蔡傳尚書三年而明會大指弱冠而領悟旁及群經慕先聖之遺風游歌孔林沾濡禮樂之化既乃上鄒嶧登泰山瞻望東海歷覽齊魯之勝霸王之迹充乎其有得也于是西歸而爲學官弟子員三十而當成化七年舉于鄉顧進士連科不舉蓋嘗感激發憤白吾長清公之元孫也昔者長清公烈烈英英瑰奇之資而振古之

傑也然莫舉進士顧嘗命予曰是在爾小子矣今我必
舉進士吾不舉進士異日其何可報之地下乎四十而
當十四年之春乃又不舉舉副榜當爲教諭于是歎曰
嗟乎壯士今若是矣其命也夫命也夫吾父母老然由
是以獲升斗之祿顧不可已邪遂爲四川保寧巴縣教
諭然終非其好也過家奉父入蜀李夫人以道險弗往
期年父還每當具書奉問起居及父母誕日伏臘歲時
東嚮拜而泣焉當是時巴人舉科者蓋亦鮮然往往英
俊可教訓也乃因材視質而嚴科條蚤作晚罷月課季
試率怠興滯雖風雨靡有間也蓋連舉者三人是後案

二十一年又獲間焉而人材豈不皆殊也。一教訓使然也。
二十有一年關中大饑報至急使使歸寧父母召仲弟
至多予俸金歸養其心則固甚弗寧也其後就養者蓋
三十人諸父弟子則與共朝夕族黨里鄰推贊令其賀
易餽口顧已益困則又固甚樂也關中既熟會官滿先
發就養者然後乃歸比歸諸生攀送哭泣竟日始舍去
云弘治二年又教諭河南祥符祥符距家近父母就養
宜來乃弗許告休又弗許其心固已歟弗樂矣乃又落
省終日奔走揖拜勞苦累益白而又其貧然職即教業
諸生諸生固又多貧者其婚葬又各率賻贈焉居祥符

七年用教人功遷教授南陽府諸生又送哭泣信弗
能別既別又多問訊南陽者南陽距家又近然父母年
皆已八十而就養又以老弗能來矣有意罷歸會學校
副使燕山車先生至郡投狀告休感激泣數行下車先
生曰不然茲郡教法廢弛久教授前在祥符名有師道
今且方有賴豈宜自便也固弗肯聽父母聞之亦拒弗
許于是不獲已乃又復歸南陽流風遠士多秀異等
之材然亦多剛悍而怙勢縱凌凌侮其先生時時有之
此固勿欲以嚴治也乃終日捶楚故嫉忿怨謗者日至
顧事勢如此歸計愈急上元塔以狀參政顧公顧公蘇州

人填撫茲郡先固已有聞而雖事貴曰先生其何適矣詩
不云乎溫于群小蓋傷之也此豈回雖賢聖猶或弗免焉
寧獨先生也夫違俗者駭衆非遵道者被譏斯固烈夫志
士特立獨行超世之盛節也先生其亡辭焉居無幾會
諸生咸亦悔悟相率靡然向風矣踰三年父卒痛恨自
鑿其面諸生于是乃又走吊會哭以爲弗忍其去也反
歸塋父已于是事母李夫人愉愉劬劬靡朝夕違焉是
時李夫人八十一歲已亦六十一歲矣豈非至性純粹
終身弗忘之孝也既歸三年長子九思任官考績于是
天子下詔即封翰林院檢討階徵仕郎其後母卒免喪

蓋魯邑中故舊置酒高會會期望而樂洋洋有廣受之
風焉正德六年少子九峰以病歸自京師七年而九思
罷官歸自壽州蓋甚喜采以疾病乃怏怏弗樂其明年
冬乃遂不起蓋八年十一月十二日也享壽七十有五
歲云配吾母劉氏封孺人生四男子而九思長九思者
狂繆蹇劣不才之子也蓋始討九年纂修孝宗實錄成
轉吏部主事遷官外郎郎中有罪同知壽州會天變乃
又罷去云九叙甲子舉人九皋朴茂勤實發弗能幹于
是元公之所屬也九峰河曲道監察御史孫男子五公
蓋其西舉人潭潭渭美女子八人其已嫁者增邑子場

頤頤屋徐永圖仕學官制子員婦孫女子一人其型以
九年十一月二十六日墓在鄆山六老庵之原夫元德
厚行聞譽國上有之非必尊官高爵也然莫可一二數
蓋利慾之鑠人鮮有弗化者斯則士君子世固所憂慕
焉先公之行豈可睹矣太史公曰言士砥行立名者非
附青雲之士惡能施于後世故曰君子疾沒世而名弗
稱焉先公于世皎皎自樹立者其數薄化薄雖百世可
知也先公視其子而教非不亟然至也然昏昏冥冥莫
或省焉而于道故闕如也蓋九思罷官盡其會盜起弗
果行先公賜之書諭諸道聞其心焉其辭曰蓋聞

之讒詩人歎息流言之興聖人懼焉此古今萬世而天下所聞睹也故曰衆口鑠金積毀銷骨此非過語也蓋其有見言之也夫古之君子竭忠其主非有不盡也修身慎行其過人非不多也然卒以罹于讒是故屈原放而離騷興賢者不必貴矣今其辭悲婉情厲讀之蓋風溼焉罔不泣下沾衿也而小子何爲哉古曰弭謗莫如自修同嘗泰教于君子矣天地日月巍乎煥然仰而觀之俯而察之亦求亡愧于斯斯可矣而又何感焉夫賢者有一世之絀負百世之名此其道固云爾夫吁嗟小子其將何爲哉其將何爲哉先公空草不多僅至百篇

俱在家傳不錙錐其訓不肖者罔著之俾後有觀焉

求太恭人墓誌銘狀

太恭人姓劉氏不肖孤九思之母也劉氏鄆縣義泉里人也居城西太八村家世爲農吾外祖諱聚配李氏生太恭人生十有八年歸我先大夫中憲府君府君諱某字某是時年二十二爲縣學弟子我曾祖長清府君是時已棄養焦夫人在堂吾祖高年府君及祖母李夫人所以事之者甚至也焦夫人性甚嚴李夫人亦甚嚴也又高年兄弟四人同井而居又叔氏二人年甚少者皆之具尊卑之節處之實太恭人周旋其間盡其情禮

然李夫人時有督過之辭焦夫人爲解之曰新婦少耳
然猶若此使至爾年當若是已邪是時去長清之役
鮮未久然家無厚蓄亦鮮僮婢并曰之勞太恭人實
任之成化辛卯中憲府君舉鄉榜丁酉舉家至燕太
戊戌舉副榜例爲教諭府君悔恨幾不能生太恭人委
曲慰解以爲舅姑老寧知異日事乎今姑籍此盡救水
之奉亦未爲不孝也府君意始稍釋其後寓蜀會關內
大饑太恭人具麥麪脯肉載入關奉舅姑其族鄰隣里
流來者隨其親疎多寡日與之餽府君告成而已九載
滿歸多出衣幣首飾爲李夫人壽然前此在蜀時已嘗

有奇而李夫人喜是時焦夫人已薨矣李夫人乃歎
曰姑氏之言不我欺也弘治己酉府君改任科符丙辰
遷南陽府學教授己未高年府君棄養中憲府君痛恨
不能侍藥侍棺殮乃自擊其面欲死太恭人曰君獨不
念母氏乎君固至孝倘以此病當奈母氏何府君悟乃
止不擊面其後抵家所以事李夫人者蓋無不盡先是
二叔氏以高年治命析產其屋宇之多及諸田畜善者
悉以予叔氏矣太恭人謂府君曰吾數子且幸有成立
者固不藉是府君喜曰吾意正如此蓋是時不肖已在
翰林爲庶吉士矣然吾母所以教諸不肖者其嚴也嘗

其在蜀時不肖年十四五太恭人以府君多事不暇恐
廢學乃告諸府君遣以從師受易日暮少懈嬉戲太恭
人即箠楚訶罵以爲常府君堂試諸生亦及不肖不肖
或入更衣太恭人恐其竊取舊文即命僮僕守之及出
乃已其後教九叙九峰率多類此弘治甲子不肖以
林檢討歸省膝下一日過飲失禮太恭人怒正色叱之
詈訶然後乃已正德癸酉冬府君稟養是時不肖已罷
歸九叙以舉子家居九峰爲御史病在告而不肖及九
叙皆已二毛太恭人御之猶若幼穉時也稍言過皆踣
首不敢違逆其如此嘉靖甲申九峰在山西爲按察

副使太恭人病思之不置其明年乙酉春九峰乃致仕
歸相聚其歡矣未幾太恭人病瘳其年冬乃九峰亦病
瘳百方不効于是太恭人憂慮愈甚病甚明年丙戌四
月初八日乃遂棄養然九峰未久于六月十八日亦竟
不可起矣天平天平何至是邪何至是邪太恭人生正
統癸亥十一月二十八日壽八十有四歲先以九思官
得封孺人其後九峰爲金華知府得贈府君爲中憲大
夫乃太恭人受令封云太恭人有不肖子四人獨九皇
業農嘗輸金受義民爵孫男子七人長瀛羅江知縣次
潭阜平次滌渭漢沔海女子十人長適同邑楊顯次適

整屋徐永圖次適咸寧陳文奎次適同邑張師孟次許
聘興平劉珙俱縣學生次許聘同邑何錦次適武功縣
學生康栗乃不卒卒矣次許聘同邑何某次許聘咸寧
邢直次未聘曾孫男子一人曰山木女子一人許聘西
安後衛應龍指揮白椿茲卜太恭人卒之明年丁亥十
一月初十日塋六老庵先塋與中憲府君合焉先府君
之塋已辱太史公勒銘不朽惟太恭人懿德慈訓所以
貴幽壤詔來世者敢復乞于門下惟不鄙加之意焉
其幸甚謹狀

澆陂先生續集序

太微山人張治道撰

澆陂先生舊集十六卷監察御史王君性臣亥
之山西固已海內人人傳矣其續集三卷今撫
東崖翁公又刻之鄆邑將同前刻並傳焉刻
成命余爲序以紀歲月余聞先生在翰林時以
文名稱是時西涯在內閣一時文人才士罔不
宗習誦法而先生亦隨例其中其詩往往爲人
傳布當時縉紳語曰上有一老下有三討蓋是
時先生爲檢討也無何遂嗣對山大復諸先生

相繼至都下磨一時爲文之弊又相與講訂考
其文法秦漢其詩法漢魏李杜脫去近習遠
往古高識之士因不爲所惑慕故今詩文之
益自諸先生後之崢嶸大復集刻布已久而
山集近東運公六檄言西安六泉公刻矣海
內爲文之士合而視之必有灼見先生集洋洋
洋洋余不能窺其涯涘故但序其所從來如此
夫純博之學瑋瑰之才雖諸公亦推讓焉故
山序曰叙事似司馬子長議論似孟子出
入乎風雅騷選之間振起乎開元天寶之上可

謂確論矣即今年近耄耄目弗能覩而求文與
詩者日踵其門先生腹稿既定口授侍史雖善
書者弗能給此非天厚其生俾盡其才以鳴我
國家之盛而能然乎而能然乎時嘉靖二十四
年三月庚辰也